



Premiu Exportasaun TradelInvest Timor-Leste

TradelInvest orgulho hodi sai hanesan uma nain ba eventu Premiu Exportasaun ba daruak atu promove empreza ho orientasaun ba exportasaun no selebra progresu no atinjimentu lokál.

TradelInvest nia misaun mak atu halo fasil ba investidór no exportador sira atu halo negósiu (Uniku Balkaun ne'ebé promove, fasilita no monitoriza investimentu no exportasaun nian). TradelInvest esforsu atu fó kbiit ba Timor-Leste atu alkansa ninia transformasaun ekonomia ba nasaun ida ho rendimentu médiu molok tinan 2030.

Hanesan ajensia promosaun Investimentu no Exportasaun, TradelInvest sai hanesan fasilitador entre Ministériu relevante ho investidor no exportador atu: identifika, promove, fasilita no jere oportunidade investimentu no exportasaun nian; halo negosiasaun ba Akordu Espesiál ba Investimentu no atribui Deklarasaun Benefisiu; halo monitorizasaun no fo apoiu ba projetu investimentu.

Servisu hotu-hotu ne'ebé oferese hosi TradelInvest ne'e gratuitu.

Diresaun Promosaun Exportasaun

Diresaun Promosaun Exportasaun TradelInvest maka fasilitador uniku ba promosaun exportasaun sasán no servisu iha Timor-Leste ne'ebe halao nia kna'ar maka hanesan fasilita entre kompradór, vendedór no ministériu relevante sira husi governu nian. Diresaun ne'e mos promove, identifika, monitoriza, fo apoiu no halo perkiza ba kresimentu exportasaun.

Premiu Exportasaun TradelInvest

Prémium Exportasaun TradelInvest rekoñese no selebra progresu no esforsu maka'as ba atinjimentu exportasaun husi empreza sira iha Timor-Leste. Painél independente ida maka halo selesaun ba manan nain tuir kritériu selesaun ba kategoria rua (2): exportador exsepsional no exportador potenciál.

Benefisiu Premiu Exportasaun

Manan na'in ba Premiu Exportasaun TradelInvest sei simu:

- Sertifikadu Premiu Exportasaun tinan 2018
- US\$ 500.00
- Iha direito hodi uza logo Premiu Exportasaun TradelInvest 2018
- Oportunidade atu partisipa iha eventu komérsiu internasionál ka expozisaun iha tinan 2019
- Perfil hanesan manán nain ba Premiu Exportasaun TradelInvest 2018 sei promove iha portal ofisial TradelInvest nian www.investtimor-leste.com no facebook ([TradelInvest Timor-Leste](https://www.facebook.com/TradelInvestTimorLeste))

Kalan Premiu Exportasaun

Entrega premiu ba manan na'in sei realiza iha Timor Plaza (Suai Room). Kalan kmanek ne'e sei lori hamutuk emperezariu, ofisiais governu no organizasaun sira ne'ebe fo apoiu ba selebrasaun susesu promosaun exportasaun iha Timor-Leste.

Kriteria Selesaun

- Iha vantagem ba kompetisaun
- Iha kresimentu negosiu ka diversifikasaun
- Iha komprensaun kona-ba nesesidade negosiu internasional
- Negosiu ne'ebe bele kria servisu ba ema lokal

Oinsa Atu aplika

- Iha kategoria rua ba Premiu Exportasaun 2018: Exportador Exsepsional 2018 no Exportador Pontesial 2018.
- Atu asesu ba aplikasaun, halo favór bele download liu husi [website TradeInvest TL](http://website.TradeInvest.TL), manda email ba davida.mesquita@investtimor-leste.com ka vizita Edifisiu TradeInvest iha Kolmera, Dili.
- TradeInvest sei organiza sesaun ida hodi assite aplikante sira prenxe aplikasaun.
- Submete aplikasaun liu husi email ba davida.mesquita@investtimor-leste.com ho titlu: Aplikasaun Premiu Exportasaun 2018

Data importante

- Loron 15 Agostu 2018 – Aplikasaun hahu'u loke
- Loron 20 Agostu – 20 Setembru - sesaun informasaun kona-ba oinsá atu kompleta aplikasaun (Fatin: Edifisiu TradeInvest, Loron: segunda-Feira to'o sesta-Feira, Oras: tuku 9am-12 pm)
- Loron 1 Outubru – Aplikasaun taka
- Loron 12 Outubru – Anunsiu ba aplikante sira ne'ebe liu prosesu dokumentus (shortlist)
- Loron 15-19 Outubru - Entrevista/aprezentasaun husi aplikante ne'ebe liu ba iha panelista sira
- Loron 31 Outubru – Kalan selebrasaun Premiu Exportasaun

Patrosinador ba eventu

TradeInvest agradese tebes ba patrosinador sira ne'ebe ho laran luak fo ona apoiu ba eventu Premiu Exportasaun TradeInvest 2018:

Patrosinador Platina

- TL-Cement, Timor Plaza Hotel no Apartments

Patrosinador Ouru

- GMN

Patrosinador Prata

- Heineken, Vinod Patel, Pertamina International Timor (PITSA)

Patrosinador Kategoria

- NT Chambers of Commerce
- CCI-TL
- MDF
- SERVE